

ساكت ومضطر

ولما كان القدر مفهشي منه مفر
ولا يمكن يوم نغلبه بكثر كر وفر
أقر وأعترف وأنا ساكت ومضطر
باتمام هذه الزيجة, يا رب ماتجيب شر

وترفرف على حياتنا حمامات السلام
نقضيها حب في حب زي ما في الأفلام
ويبعد عن حياتنا أي بوز أو تكشير
ولا يزورنا في يوم تعب, لا وجع ولا تكسير

ويرزقنا من العيال , نقول بيحي خمسة
أحمد, حسين , محمود , هَنا وكمان بسمه
وتبقي أم العيال وبعد ما كنتي غزال
لما تشوفي ميزان, تقولى ملوش لزمة

وتطبخنا يا غالية محمر على مشمر
زياد بقى قتيلك, لازق خلاص متسمر
هادوق عمايا آيه, أكلها وأنا متذمر
يله حضري الحمام, أزق أنا واتأمر
